



MOD 9 22 00616143

01.06.2022

**ხელშეკრულება N გრ/22-16
სახელმწიფო შესყიდვის შესახებ**

შემსყიდველი:

სსიპ - სახელმწიფო სამხედრო სამეცნიერო-ტექნიკური ცენტრი "დელტა"

მისამართი: ქ. თბილისი, მნათობის ქ. N73

საიდენტიფიკაციო ნომერი: 202297335

საბანკო რეკვიზიტები: ბანკის კოდი- TRESGE22, ანგარიშსწორების ანგარიში N 707297065

წარმოდგენილი გენერალური დირექტორის - **იოსებ ლოლაძის** სახით

მიმწოდებელი:

შპს "შენებლობა და რემონტი"

მისამართი: თბილისი, გუდაუთის ქუჩა N5ბ

საიდენტიფიკაციო კოდი: 402105351

საკონტაქტო: ტელ: 577241135

საბანკო რეკვიზიტები: ს.ს. "პროკრედიტ ბანკი" ბანკის კოდი: MIBGGE22

ანგარიშსწორების ანგარიში: GE86PC0263600100018371

წარმოდგენილი დირექტორის - **ლაშა ჯიხვაჭილის** სახით

„სახელმწიფო შესყიდვების შესახებ“ საქართველოს კანონის მე-3 მუხლის 1-ლი პუნქტის „ს1“ ქვეპუნქტის, სახელმწიფო შესყიდვების სააგენტოს თავმჯდომარის 2015 წლის 17 აგვისტოს №13 ბრძანებით დამტკიცებული „გამარტივებული შესყიდვის კრიტერიუმების განსაზღვრისა, გამარტივებული შესყიდვის ჩატარების წესის“ მე-2 მუხლის „ა“ პუნქტის, MOD 7 22 00495380, MOD 0 22 00539348 მოხსენებითი ბარათის და N319 ბაზრის კვლევის შესაბამისად, ვდებთ წინამდებარე ხელშეკრულებას შემდეგზე:

1. გამოყენებული ტერმინების განმარტება

1.1 „სახელმწიფო შესყიდვის შესახებ ხელშეკრულება“ (შემდგომ – ხელშეკრულება) – შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომელზეც ხელშეკრულებაში არის მინიშნებული.

1.2 „ხელშეკრულების ჯამური ღირებულება“ - საერთო თანხა, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულების სრულად და ჯეროვანი შესრულებისთვის;

1.3 „შემსყიდველი“ – ორგანიზაცია, რომელიც ახორციელებს შესყიდვას.

1.4 „მიმწოდებელი“ – პირი, რომელიც ახორციელებს საქონლის მიწოდებას ამ ხელშეკრულების ფარგლებში.

1.5 „დღე, კვირა, თვე“ – კალენდარული დღე, კვირა, თვე.

1.6 „საქონელი“ - წინამდებარე ხელშეკრულების მე-2 მუხლით განსაზღვრული საქონელი.

1.7 „ინსპექტირება“ - ხელშეკრულების პირობების შესრულების კონტროლი და ზედამხედველობა.

2. მუხლი - ხელშეკრულების საგანი

2.1. ხელშეკრულების საგანს წარმოადგენს დანართი N1-ით გათვალისწინებული საქონლის შესყიდვა.

2.2. ხელშეკრულების დანართი N1 წარმოადგენს ხელშეკრულების განუყოფელ ნაწილს.

3. მუხლი - ხელშეკრულების ღირებულება

3.1. ხელშეკრულების ჯამური ღირებულება შეადგენს **1,562.62** (ერთი ათას ხუთასსამოცდაორი და სამოცდაორი მეთასედი) ლარს და მოიცავს მიმწოდებლის ყველა ხარჯს, დაკავშირებულს საქონლის მიწოდებასთან, მათ შორის, კანონმდებლობით გათვალისწინებულ ყველა გადასახადსა და მოსაკრებელს.

3.2. საერთაშორისო ხელშეკრულების ("საქართველოს რესპუბლიკის მთავრობასა და ამერიკის შეერთებული შტატების მთავრობას შორის ჰუმანიტარული და ტექნიკური ეკონომიკური დახმარების ხელშეწყობისათვის თანამშრომლობის თაობაზე" 1992 წლის 31 ივლისის ხელშეკრულება) შესაბამისად სსიპ სახელმწიფო სამხედრო სამეცნიერო-ტექნიკური ცენტრი „დელტა“ შეყვანილია შეღავათით მოსარგებლე პირთა ერთიან ელექტრონულ რეესტრში 2021 წლის 15 სექტემბრიდან 2022 წლის 15 ნოემბრამდე პერიოდით და გათავისუფლებულია დღგ-ს, აქციზის და იმპორტის გადასახადისგან.

4. მუხლი - მხარეთა ვალდებულებები და პასუხისმგებლობები

4.1 მიმწოდებელი იღებს ვალდებულებას მიაწოდოს შემსყიდველს შესყიდვის ობიექტი წინამდებარე ხელშეკრულებით განსაზღვრული პირობების შესაბამისად, მიწოდებული საქონელი უნდა იყოს ახალი, ექსპლუატაციაში არ მყოფი.

4.2 მიმწოდებელი ვალდებულია განიხილოს შემსყიდველის პრეტენზიები და მიაწოდოს მოტივირებული პასუხი ყველა კითხვაზე.

4.3 მიმწოდებელს ხელშეკრულებით გათვალისწინებულ ვადაში აუნაზღაუროს ხელშეკრულების ჯამური ღირებულება მიმწოდებლის მიერ ნაკისრი ვალდებულებების სრულად და ჯეროვნად შესრულების შემთხვევაში.

4.4 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

5. მუხლი - შესყიდვის ობიექტის მიწოდების ვადა და ადგილი

5.1 მიმწოდებელმა შემსყიდველის სასარგებლოდ ამ მუხლით განსაზღვრულ ვადაში და ადგილზე უნდა განახორციელოს წინამდებარე ხელშეკრულებით გათვალისწინებული შესყიდვის ობიექტის მიწოდება:

5.1.1 შესყიდვის ობიექტის მიწოდების ადგილია მიმწოდებლის ადგილსამყოფელი.

5.1.2 შესყიდვის ობიექტის მიწოდების ვადაა ხელშეკრულების გაფორმებიდან 10 (ათი) სამუშაო დღე.

5.3 მიმწოდებლის მისამართიდან საქონლის ტრანსპორტირებას საკუთარი ხარჯებით უზრუნველყოფს შემსყიდველი.

6. მუხლი - ანგარიშსწორება

6.1 წინამდებარე ხელშეკრულებით გათვალისწინებული საქონლის ღირებულების ანაზღაურება განხორციელდება საბოლოო მიღება-ჩაბარების აქტის გაფორმებიდან 10 (ათი) სამუშაო დღის ვადაში, ამ ხელშეკრულებით განსაზღვრული დოკუმენტაციის საფუძველზე.

6.2 ანგარიშსწორების ვალუტა: ლარი.

6.3 ანგარიშსწორების ფორმა: უნაღდო.

6.4 დაფინანსების წყარო: საერთაშორისო ორგანიზაცია ITF-სგან (სატრასტო ფონდი) პროექტის “ფიზიკური უსაფრთხოება, საბრძოლო მასალების მარაგების და კონვენციური შეიარაღების განადგურების მართვა საქართველოში“-ს ფარგლებში მიღებული გრანტი.

7. მუხლი - ხელშეკრულების ინსპექტირების პირობები

7.1 შემსყიდველი უფლებამოსილია განახორციელოს შემოწმება, რომლის მიზანია მიწოდებული საქონლის შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.

7.2 ხელშეკრულების ინსპექტირებას შემსყიდველის მხრიდან განახორციელებს:

7.2.1 სახელმწიფო სამხედრო სამეცნიერო-ტექნიკურ ცენტრ "დელტას" ლოჯისტიკის დეპარტამენტის მიერ გამოყოფილი პირი - ბექა დვალიშვილი, რომელსაც ევალება:

- შესრულების ვადების, მიწოდების ადგილის, მიღება-ჩაბარების გაფორმების, შესყიდვის ობიექტის მიღებასთან დაკავშირებული კანონმდებლობით გათვალისწინებული დოკუმენტაციის (ანგარიშ-ფაქტურა, სასაქონლო ზედნადები და სხვა) შესაბამისობის, რაოდენობის (მოცულობის) კონტროლი;
- საგარანტიო მომსახურების მიღების ან/და წუნდებული საქონლის შეცვლასთან/დაბრუნებასთან დაკავშირებული საკითხების უზრუნველყოფა;
- ხელშეკრულების შესრულების, ნაწილობრივ/არაჯეროვნად შესრულების ან შეუსრულებლობის შემთხვევაში შესაბამისი ინფორმაციის/დოკუმენტაციის სახელმწიფო შესყიდვების დეპარტამენტისთვის წარდგენა.

7.2.2 სსიპ - სახელმწიფო სამხედრო სამეცნიერო-ტექნიკურ ცენტრ დელტას ლაბორატორიული მომსახურების, სამშენებლო და საწარმო პროცესების ზედამხედველობის დეპარტამენტი - საქონლის შესაბამისობაზე, შემდეგი ფორმებით:

- მიწოდებული საქონლის ხელშეკრულების პირობებთან შესაბამისობისა და რაოდენობის (მოცულობის) შემოწმება ვიზუალური (მათ შორის სპეციალისტის მიერ დათვალიერება), აზომვითი, ტექნიკური ან/და დოკუმენტური მეთოდით.
- საქონლის მიწოდების შეთანხმებული ვადების და რაოდენობის (მოცულობის) დაცვის მონიტორინგი.

7.3 კონტროლის განხორციელების ადგილია საქონლის მიწოდების ადგილი და სხვა ნებისმიერი ადგილი შემსყიდველის არჩევანის მიხედვით.

7.4 შემსყიდველის მიერ ინსპექტირება განხორციელდება ხელშეკრულების შესრულების ნებისმიერ ეტაპზე.

8. მუხლი - შესყიდვის ობიექტის მიღება-ჩაბარების წესი

8.1 მიმწოდებლის მიერ საქონლის გადაცემა და შემსყიდველის მიერ მისი მიღება დასტურდება ორივე მხარის უფლებამოსილი წარმომადგენლების (ხელშეკრულების 7.2 ქვეპუნქტში მითითებული პირ(ებ)ის) მიერ ხელმოწერილი მიღება-ჩაბარების აქტით.

8.2 მიღება-ჩაბარების აქტის გაფორმების შემთხვევაში, საქონლის მიწოდების თარიღად ჩაითვლება შემსყიდველისთვის საქონლის დროებით შენახვაზე გაფორმებული მიღება-

ჩაბარების აქტის თარიღი.

8.3 საქონლის დროებით შენახვაზე გაფორმებული მიღება-ჩაბარების აქტი არ წარმოადგენს საქონლის საბოლოოდ მიღების დამადასტურებელ დოკუმენტს და არ წარმოშობს ანგარიშსწორების ვალდებულებას.

8.4 შემსყიდველი უფლებამოსილია დროებით შენახვაზე მიღებული საქონლის ნიმუშ(ებ)ი, ხოლო პარტიებად მიწოდებულ საქონელზე, ყოველი პარტიიდან მიწოდებული საქონლის ნიმუშ(ებ)ი, ხელშეკრულების მოთხოვნებთან შესაბამისობის დადგენის მიზნით, საქონლის დროებით შენახვაზე მიღება-ჩაბარების აქტის გაფორმების შემდეგ გადააგზავნოს შესაბამის საექსპერტო დაწესებულებაში რის შესახებაც უნდა აცნობოს სახელმწიფო შესყიდვების დეპარტამენტს.

8.5 მიმწოდებელი უფლებამოსილია დროებით შენახვაზე შემსყიდველისათვის გადაცემული საქონლის ნიმუშ(ებ)ი, ხოლო პარტიებად მიწოდებულ საქონელზე, ყოველი პარტიიდან მიწოდებული საქონლის ნიმუშ(ებ)ი, ხელშეკრულების მოთხოვნებთან შესაბამისობის დაჩქარებული წესით დადგენის მიზნით, საქონლის დროებით შენახვაზე მიღება-ჩაბარების აქტის გაფორმებიდან 5 (ხუთი) სამუშაო დღის ვადაში წარადგინოს შესაბამის საექსპერტო დაწესებულებაში. მიწოდებული პარტიებიდან ნიმუშის ამოღება და დალუქვა უნდა მოხდეს აკრედიტირებული ლაბორატორიიდან/საექსპერტო დაწესებულებიდან მოწვეული ექსპერტის მიერ, რის შემდეგაც მიმწოდებელი ვალდებულია არაუგვიანეს 30 კალენდარულ დღეში წარმოადგინოს ექსპერტის დასკვნა. ამ შემთხვევაში საქონლის ნიმუშ(ებ)ის ტრანსპორტირების და საექსპერტო კვლევის ხარჯებს იხდის მიმწოდებელი.

8.6 მიღება-ჩაბარების აქტის ხელმოწერამდე, ყველა ქონებრივი უფლება საქონელზე ეკუთვნის მიმწოდებელს და რისკები მისი შემთხვევით (მთლიანად ან ნაწილობრივ) დაღუპვაზე, გაფუჭებაზე ან სხვა ზიანზე ეკისრება მიმწოდებელს, ხოლო, მიღება-ჩაბარების აქტის ხელმოწერის მომენტიდან, აღნიშნული უფლებები და რისკები გადადის შემსყიდველზე.

8.7 საქონლის (მისი ნაწილის) მიღების და/ან საბოლოო შემოწმების შედეგად გამოვლენილი ნაკლის აღმოფხვრას საკუთარი ხარჯებით უზრუნველყოფს მიმწოდებელი.

8.8 იმ შემთხვევაში თუ მიწოდების ვადის დარღვევა გამოწვეულია მიმწოდებლის ბრალეულობით, აღნიშნული ფაქტი დაფიქსირებული უნდა იყოს საქონლის მიღებასთან დაკავშირებულ მიღება-ჩაბარების აქტში, მხოლოდ მოცემული წესით შედგენილი დოკუმენტი იქნება პირგასამტეხლოს დაკისრების საფუძველი.

9. მუხლი - შესყიდვის ობიექტის ხარისხი

9.1 მიწოდებული შესყიდვის ობიექტი უნდა შეესაბამებოდეს მხარეთა მიერ შეთანხმებულ ხარისხს, ხოლო ასეთი შეთანხმების არ არსებობის შემთხვევაში შესყიდვის განხორციელების მიზნის შესაბამის ხარისხს.

9.2 ხელშეკრულების დანართ N1-ის პირველი პოზიციით განსაზღვრული საქონელზე ვრცელდება საგარანტიო ვადა 6 (ექვსი) თვე, ხოლო მეორე პოზიციით განსაზღვრულ საქონელზე - 3 (სამი) თვე. საგარანტიო ვადის ათვლა მოხდება საქონლის მიღება-ჩაბარების აქტის გაფორმების დღიდან;

9.3. საგარანტიო ვადის განმავლობაში, შემსყიდველის წარმომადგენლ(ებ)ის ან მოწვეული ექსპერტ(ებ)ის მიერ წუნის გამოვლენის შემთხვევაში, მიმწოდებელი ვალდებულია, შემსყიდველის მიერ განსაზღვრულ 10 სამუშაო დღის ვადაში მოახდინოს წუნდებული ნივთის საკუთარი ხარჯებით (ტრანსპორტირების ჩათვლით) შეკეთება, თუ მწყობრიდან გამოსული საქონელი არ ექვედებარება შეკეთებას, მიმწოდებელი ვალდებულია შეცვალოს იგი ახლით. თუ მიმწოდებელი დადგენილ ვადაში არ შეაკეთებს/შეცვლის წუნდებულ ნივთს, იგი ვალდებულია დაუბრუნოს შემსყიდველს გადახდილი თანხა, მოთხოვნიდან 5

სამუშაო დღის განმავლობაში.

9.4. საქონლის ნაკლში იგულისხმება უფლებრივი ან/და ნივთობრივი ნაკლი, ქარხნული წუნი, ნორმალური ექსპლუატაციის ან/და შენახვის პირობებში ხელშეკრულებით განსაზღვრული მახასიათებლების ან სხვა საექსპლუატაციო თვისებების დაკარგვა და ა.შ.

10. მუხლი - ხელშეკრულების პირობების შეუსრულებლობა

10.1 მიმწოდებლის მიერ ამ ხელშეკრულებით გათვალისწინებული მოთხოვნების შეუსრულებლობის შემთხვევაში, მიმწოდებელს, წინასწარი შეტყობინების გარეშე, დაეკისრება შემსყიდველისათვის პირგასამტეხლოს გადახდა საქონლის მიუწოდებლობისათვის (მათ შორის ხელშეკრულებით განსაზღვრულ ვადაში, უხარისხო, არასრული მოცულობით, საჭირო დოკუმენტაციის გარეშე) მიუწოდებელი შესყიდვის ობიექტის ღირებულების 0,1% ყოველ ვადაგადაცილებულ დღეზე.

10.2 პირგასამტეხლოს დარიცხვის მიუხედავად, შემსყიდველი უფლებამოსილია:

10.3 ამ ხელშეკრულებით გათვალისწინებული პირობების დაცვით, შეწყვიტოს ან შეინარჩუნოს ეს ხელშეკრულება;

10.4 შემსყიდველის მიერ შესყიდვის ობიექტის ღირებულების ხელშეკრულებით განსაზღვრულ ვადაში და პირობებით მიმწოდებლისათვის გადაუხდელობის შემთხვევაში, მიმწოდებელს უფლება აქვს დააკისროს შემსყიდველს პირგასამტეხლოს გადახდა, გადაუხდელი თანხის 0,1 %-ის ოდენობით ყოველ ვადაგადაცილებულ სამუშაო დღეზე.

10.5 დღეების მიხედვით დარიცხვადი პირგასამტეხლოს გადახდა არ ათავისუფლებს მხარეს ამ ხელშეკრულებიდან გამომდინარე ვალდებულებების შესრულებისგან.

10.6 დღეების მიხედვით დარიცხვადი პირგასამტეხლოს დარიცხვა წყდება მხარის მიერ ვალდებულების შესრულების შემდეგ ან ხელშეკრულების მოქმედების ვადის გასვლის შემდეგ ან ხელშეკრულების შეწყვეტის შემდეგ, იმის მიხედვით თუ ამ გარემოებებიდან რომელი უფრო ადრე დადგება.

10.7 ხელშეკრულების შეწყვეტის ან მოქმედების ვადის გასვლის შემთხვევაში, მიმწოდებლის მიერ ხელშეკრულების პირობების ნაწილობრივ (არაჯეროვნად) შესრულებისათვის, მიმწოდებელს დაეკისრება პირგასამტეხლო მიუწოდებელი შესყიდვის ობიექტის ღირებულების 10%-ის ოდენობით, ხოლო ხელშეკრულების პირობების შეუსრულებლობისათვის, მიმწოდებელს დაეკისრება პირგასამტეხლო ხელშეკრულების საერთო ღირებულების 20%-ის ოდენობით.

11. მუხლი - დავების გადაწყვეტის წესი

11.1 მხარეებს შორის ყველა დავა და უთანხმოება, წარმოქმნილი ხელშეკრულებასთან დაკავშირებით გადაწყდება მხარეთა შორის ურთიერთმოლაპარაკების გზით.

11.2 თუ მოლაპარაკების შედეგად მხარეები გონივრულ ვადაში ვერ შეძლებენ სადავო საკითხების შეთანხმებას, ნებისმიერ მხარეს დავის გადაწყვეტის მიზნით, დადგენილი წესით, შეუძლია მიმართოს საქართველოს სასამართლოს.

12. მუხლი - ფორს-მაჟორული სიტუაციები

12.1 მხარეები თავისუფლდებიან პასუხისმგებლობისაგან ვალდებულებების სრული ან ნაწილობრივი შეუსრულებლობისათვის ფორს-მაჟორის შემთხვევაში, როდესაც ნაკისრი ვალდებულებების შესრულება შეუძლებელია.

12.2 ფორს-მაჟორში იგულისხმება გარემოება, რომელიც არ არსებობდა ამ ხელშეკრულების დადების მომენტისათვის და რომლის თავიდან აცილება მხარეს არ შეეძლო, კერძოდ, საომარი მდგომარეობა, საბრძოლო მოქმედება, წყალდიდობა, მიწისძვრა, ხანძარი, ავარია, გაფიცვა, ეპიდემია, სახაზინო სამსახურის მიერ შემსყიდველის მხრიდან თანხის გადახდის თაობაზე გაგზავნილი მოთხოვნის დაკმაყოფილების შეჩერება ან უარყოფა, საბიუჯეტო

ასიგნების შემცირება და სხვა მსგავსი გარემოებები.

12.3 თუ ფორს-მაჟორის გამო შეუძლებელია ვალდებულების შესრულება, მიმწოდებელი ვალდებულია დაუყოვნებლივ, მაგრამ არაუგვიანეს 3 (სამი) სამუშაო დღისა ფორს-მაჟორის დადგომიდან, აცნობოს შემსყიდველს ნაკისრი ვალდებულების შეუსრულებლობის შესახებ, სათანადო მიზეზების მითითებით. მოცემულ ვადაში შეუტყობინებლობის შემთხვევაში მიმწოდებელი კარგავს უფლებას დაეყრდნოს ფორს-მაჟორული გარემოების არსებობას, როგორც პასუხისმგებლობისაგან გათავისუფლების საფუძველს. ფორს-მაჟორის ფაქტი და მისი მიზეზ-შედეგობრივი კავშირი ვალდებულების შეუსრულებლობასთან უნდა დადასტურდეს დოკუმენტალურად.

12.4 ფორს-მაჟორის მიუხედავად მხარე, რომლისთვისაც ნაკისრი ვალდებულებების შესრულება შეუძლებელი ხდება, კეთილსინდისიერებისა და გონიერების ფარგლებში, მიმართავს ვალდებულების შესრულების ყველა შესაძლო ალტერნატიულ ხერხს.

12.5 თუ ფორს-მაჟორული მდგომარეობა 30 დღეზე მეტ ხანს გრძელდება, მხარეებს უფლება აქვთ ცალმხრივად შეწყვიტონ ხელშეკრულება.

13. მუხლი - დასკვნითი დებულებები

13.1 წინამდებარე ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

13.2 ხელშეკრულებაში დამატებების ან/და ცვლილებების შეტანა შესაძლებელია მხოლოდ მხარეთა შორის წერილობითი ფორმით დადებული შეთანხმების საფუძველზე.

13.3 შეთანხმება ხელშეკრულებაში ცვლილებების ან/და დამატებების შეტანის თაობაზე უნდა დაერთოს ხელშეკრულებას და იგი წარმოადგეს ხელშეკრულების განუყოფელ ნაწილს.

13.4 ორივე მხარე უფლებამოსილია მოშალოს ეს ხელშეკრულება ცალმხრივად, თუ მეორე მხარე ვერ უზრუნველყოფს ვალდებულებების ჯეროვან შესრულებას ან მოქმედი კანონმდებლობით გათვალისწინებულ სხვა შემთხვევაში.

13.5 თუ ამ ხელშეკრულებით სხვა რამ არ არის გათვალისწინებული, მხარეთა შორის ამ ხელშეკრულების ფარგლებში ნებისმიერი ოფიციალური ურთიერთობა წარმოებს წერილობითი ფორმით და იგზავნება საფოსტო გზავნილის სახით ან მიეწოდება უშუალო ადგილსამყოფლის მიხედვით. შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

13.6 შემსყიდველის მიერ შეტყობინება მიწოდებულად ითვლება იმ შემთხვევაშიც, თუ მან შეტყობინება გაგზავნა მიმწოდებლის ყოფილ მისამართზე, რომელიც მიმწოდებელმა შეცვალა, მაგრამ ამის თაობაზე არ აცნობა შემსყიდველს. ამ შემთხვევაში შეტყობინება მიწოდებულად ითვლება გაგზავნის მეორე სამუშაო დღეს.

13.7 ყველა ის საკითხი, რომელიც არ არის მოწესრიგებული წინამდებარე ხელშეკრულებით და ეხება შემსყიდველსა და მიმწოდებელს შორის არსებულ ურთიერთობას, წესრიგდება საქართველოს კანონმდებლობით დადგენილი წესით.

13.8 მიწოდების ვადის 15 (თხუთმეტი) დღეზე მეტი დროით დარღვევის შემთხვევაში შემსყიდველი უფლებამოსილია ცალმხრივად შეწყვიტოს ხელშეკრულება და მოსთხოვოს მიმწოდებელს შემსყიდველისათვის მიყენებული ზიანის ანაზღაურება.

14. მუხლი - სხვა პირობები

14.1 ხელშეკრულება ძალაში შედის მხარეთა მიერ ხელმოწერის დღიდან და მოქმედებს 2022 წლის 31 დეკემბრის ჩათვლით.

14.2 ხელშეკრულება ხელმოწერილია მხარეთა უფლებამოსილი პირების მიერ, „ელექტრონული დოკუმენტისა და ელექტრონული სანდო მომსახურების შესახებ“ საქართველოს კანონის მე-3 მუხლის მე-3 და მე-4 პუნქტების შესაბამისად.

ჩვენ, ხელშეკრულებაზე ხელმოწერი, ხელშეკრულების მომზადებელი და ვიზირების განმახორციელებელი პირები ვადასტურებთ, რომ „სახელმწიფო შესყიდვების შესახებ“ საქართველოს კანონის მე-8 მუხლის შესაბამისად მიმწოდებელთან ინტერესთა კონფლიქტში არ ვიმყოფებით.

დანართი N 1

N	დასახელება	რაოდენობა	ზომის ერთ.	ერთ.ღირებულება	საერთო ღირებულება	CPV კოდი
1	პლანზმური საჭრელი იტ-82952	1	ცალი	932.20	932.20	44512000
2	შედულების აპარატი MMA-250KI	1	ცალი	423.72	423.72	44512000
3	ლითონის მაკრატელი "250მმ ბტ-6041	1	ცალი	15.25	15.25	44512000
4	ხელის ხერხი (ნაჟოვკა) ბტ-3059	1	ცალი	6.77	6.77	44512000
5	მკვნეტარა "6" ბტ-1033	2	ცალი	7.62	15.24	44512000
6	მკვნეტარა "8" ბტ-1034	2	ცალი	10.16	20.32	44512000
7	ბრტყელტუჩა "6" ბტ-1030	2	ცალი	8.47	16.94	44512000
8	ბრტყელტუჩა "8" ბტ-1263	2	ცალი	11.01	22.02	44512000
9	არგასახ/ქანჩის/გასად"12 ბტ-2114	1	ცალი	84.74	84.74	44512000
10	6ც სახრახნისის ნაკრები იტ-2783	1	ცალი	25.42	25.42	44512000

მხარეთა ხელმოწერები:

შპს "მშენებლობა და რემონტი"
დირექტორი
ლაშა ჯიხვაშვილი

ს.ს.ი.პ. სახელმწიფო სამხედრო სამეცნიერო-ტექნიკური ცენტრი „დელტა“ / მმართველობა
გენერალური დირექტორი
იოსებ ლოლაძე



MOD 9 22 00616143

01.06.2022

ტიპი: ხელშეკრულება

შიდა №: 616143

თარიღი №: 01.06.2022

გვერდები:

დანართი:

ინიციატორი: ირმა ჭილაძე (უფროსი სპეციალისტი)

ავტორები: იოსებ ლოლაძე (გენერალური დირექტორი) ს.ს.ი.პ. სახელმწიფო სამხედრო სამეცნიერო-ტექნიკური ცენტრი „დელტა“ / მმართველობა

თემა: ხელშეკრულება N გრ/22-16 შპს "მშენებლობა და რემონტი:"

ფაილები: 319_ბაზრის_კვლევა.pdf

ვიზირებები: ლეკიაშვილი გიორგი (სამმართველოს უფროსი) საჯარო სამართლის იურიდიული პირები / ს.ს.ი.პ. სახელმწიფო სამხედრო სამეცნიერო-ტექნიკური ცენტრი „დელტა“ / სახელმწიფო შესყიდვების დეპარტამენტი / ელექტრონული შესყიდვების სამმართველო

ჯავახაძე დავით (მთავარი სპეციალისტი) საჯარო სამართლის იურიდიული პირები / ს.ს.ი.პ. სახელმწიფო სამხედრო სამეცნიერო-ტექნიკური ცენტრი „დელტა“ / სახელმწიფო შესყიდვების დეპარტამენტი / პროექტული და არაელექტრონული შესყიდვების სამმართველო

იაგორაშვილი გიორგი (დეპარტამენტის უფროსი) ს.ს.ი.პ. სახელმწიფო სამხედრო სამეცნიერო-ტექნიკური ცენტრი „დელტა“ / სახელმწიფო შესყიდვების დეპარტამენტი

შალამბერიძე ირმა (დეპარტამენტის უფროსი) ს.ს.ი.პ. სახელმწიფო სამხედრო სამეცნიერო-ტექნიკური ცენტრი „დელტა“ / სამართლებრივი უზრუნველყოფის დეპარტამენტი

ჯახუტაშვილი მიხეილ (დეპარტამენტის უფროსი) ს.ს.ი.პ. სახელმწიფო სამხედრო სამეცნიერო-ტექნიკური ცენტრი „დელტა“ / ლოჯისტიკის დეპარტამენტი
კორძაია ჯანსუღ (დეპარტამენტის უფროსი) ს.ს.ი.პ. სახელმწიფო სამხედრო სამეცნიერო-ტექნიკური ცენტრი „დელტა“ / ფინანსების და დაგეგმარების დეპარტამენტი

ქიზიყურაშვილი ნიკოლოზ (გენერალური დირექტორის მოადგილე) ს.ს.ი.პ. სახელმწიფო სამხედრო სამეცნიერო-ტექნიკური ცენტრი „დელტა“ / მმართველობა

რეზოლუციები: ს.ს.ი.პ. სახელმწიფო სამხედრო სამეცნიერო-ტექნიკური ცენტრი „დელტა“
01/06/2022 21:26:09 გიორგი იაგორაშვილი (დეპარტამენტის უფროსი) 02/06/2022 09:03:26 გიორგი ლეკიაშვილი (სამმართველოს უფროსი) 02/06/2022 10:53:56

ადრესატები: